



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Callistus II. pacis inter Ecclesiam, et Imperium auctor. cap. XXI.

urn:nbn:de:hbz:466:1-38397

instituit quoque in eodem Concilio, ut ab Adventu Domini, usque ad octavam Epiphaniæ, & a Septuagesima usque ad Pascha: & à prima die Rogationum usque ad octavam Pentecostes, Nuptiæ non celebrarentur. *Ibidem; & Andreas Dandulus in chron. Vener. lib. 7. c. 9.* Ordinem quoque Cisterciensem confirmavit. *Platina.* Scripsisse fertur nonnulla, maxime contra Hæreticos, ut auctor est *Platina*, & Epistolas plures, cum Registro, ut refert *Petrus Diaconus de uiris illustribus montis Casini, c. 31.*

CALLISTVS II.

Pacis inter Ecclesiam & Imperium

auctor:

eo enim mediante,

Iustitia & Pax, osculatae sunt. Psal. 84.

Cap. XXI.



VB. Urbani II. Pontificis figura, depictus est Callistus II. Pontificis habitu Pacis imaginem depictam in tabula, manibus tenetis. Eo enim mediante, inter Ecclesiam & Imperium, insignis illa pax, & concordia facta est, anno plus minus quinquegesimo, ex quo inter Gregorium VII. & Henricum III. discordia ingens, ob Sacerdotiorum collationes excitata fuerat. In qua Episcoporum, & Abbatum electiones quæ ad Imperatorem, & Reges hæcenus pertinerant, clero & monachis restitute sunt. Cuius rei adhuc mentio cum pictura extat in antiqua ueluti Palatii Pontificum camera Lateranensis, ubi est hoc elogium;

*Ecce Callistus honor patriæ, decus imperiale,
Burdinum nequam damnat, pacemque reformat.*

Sine ut alii habent.

Ecce Callistus patriæ Decus honor imperiale

Nequam Burdinum damnat, pacemque reformat.

Itaque an. 1122. nono Cal. Octob. V. formatæ Henricus V. cum toto exercitu suo, in communionem Ecclesiæ fidemque receptus est, iure Episcoporum Abbatumque instituendorum, quod nunquam

R R r remis-

remissurum statuerat, in perpetuum in manus Ostiensis Episcopi Lamberti, qui post Papa Honorius III. dictus est, maxima humilitate dimisso, cuius resignationis verba hæc fuerunt.

Ego Henricus Dei gratia, Romanorum Imperator Augustus, pro amore Dei, & Sanctæ Romanæ Ecclesiæ, & Callisti Pontificis, & pro salute anime mee, dimitto Deo, & sanctis eius Apostolis Petro & Paulo, & sanctæ catholicæ Ecclesiæ, omnem inuestituram per anulum & baculum, & concedo in omnibus Ecclesiis fieri electionem, & liberam consecrationem. Possessiones & regalia beati Petri, quæ a principio huius discordiæ usque ad hodiernum diem, siue tempore patris, siue etiam meo ablata sunt, quæ habeo, eidem sanctæ Romanæ Ecclesiæ restituo, quæ autem non habeo, ut reddantur fideliter adiuvabo: & do veram pacem Callisto, Sanctæ Romanæ Ecclesiæ, & omnibus qui in parte ipsius sunt, vel fuerunt, & in quibus sancta Romana Ecclesia, auxilium postulaverit bona fide iuvabo.

Et altera vero parte Legati Pontificis, pro Pontifice ita iurarunt.

Ego Callistus servus servorum Dei, dilecto filio Henrico, Dei gratia Romanorum Imperatori Augusto, concedo electiones Episcoporum, & Abbatum Teutonici regni, qui ad regnum pertinent in presentia tua fieri absque simonia, & aliqua insolentia: ut si qua inter partes discordiæ emergerit, Metropolitanis, & provincialium consilio, vel iudicio, sancti parti assensum & auxilium præbeas. Electus autem regalia per scriptum a te recipiat. De quibus per te querelam ad me detulens, pro ratione officij mei auxilium meum præstabo. Do tibi veram pacem, & omnia qui in parte tua sunt, vel fuerunt, tempore huius discordiæ.

Concilia quattuor celebravit in Patriarchio Lateranensi Romæ tria, & alterum, quod & primum fuit, Remis in Gallia anno 1119. Patrum 426. à Gelasio II. prius indictum, pro schismate tollendo: secundum anno eodem Romæ, 900. Patrum in quo de recuperatione terræ Sanctæ actum: tertium anno 1122. in quo pax præstata inter Sacerdotium & Imperium inira: quæ & confirmata est periculosoque schismati finitus impositus anno sequenti in Concilio maximo Lateranensi Episcoporum & Abbatum quasi mille. Scripsit nonnulla opuscula, de quibus vidi subiecta:

De Miraculis S. Iacobi Apostoli Hispaniarum protectoris lib.

I. qui excusus est in 4. & eorum maxima pars reperitur

item apud Vincentium in speculo lib. 26. a capite 30. ad 41.

Epistolarum ad diversos, lib. I.

De obitu & vita sanctorum, lib. I. cuius nonnulla fragmenta

ex bi-

ex bibliotheca Casinensi excerpta, apud me extant MSS.
Fertur & illius esse liber ille, qui intulatur, *Thesaurus pau-*
perum. *Guilielmus Tyrius de bello sacro lib. 1. c. 13. Otho Frisingensis, lib. 7. c. 16.*
Platina, Panvinus, Volaterranus, Langius in chronicon. Cirizensi, &
alij infini.

INNOCENTIVS III.

Octauæ Natiuitatis Diuæ Virginis Mariæ institu-
tor: Pileique purpurei Cardinalicij in-
uentor, & auctor.

Emblema I. per imaginem mulieris parturientis
in tabula depictæ, significatum:

iuxta illud,

Celebrabitis solennitatem eius septem diebus, per an-
num. Leuit. 23. Cap. XXII.



INNOCENTIVM III. Genuensem, monachum in
Fructuariensem Benedictinum, in inferioribus ra-
mi huius partibus, Pontificis habitu tabulam ma-
nibus gestantis, depictum, cum exquisita doctri-
na, cuius illustria exstant monumenta ipsius scri-
ptis immortalitati consecrata, atque insignis pie-
tas; tum vero præstantia in Remplicam Christianam merita, as-
siduque & indefessi labores, ut pote quod anno 1245. Concilio
XIII. Vniuersali Lugduni coacto, in quo de recuperanda terra San-
cta, S. Ludouico Franciæ Rege, quintæ huius expeditionis Duce,
etiam, Fridericum II. Imperatorem ingentibus, ac nefariis crimini-
bus oneratum, de sacri confessus sententia, priorum cœtu extermi-
nauerit, illique sacrorum communitate interdixerit, ac ius, nomen-
que Imperij, & Regni abrogauerit, hominibus illi subiectis iustu-
randi vinculo, ac religione solutis; *Conc. Lugdmense, Platina,*
Panvinus, & alij: quod Regnum Neapolitanum Pontificij solij Im-
perio adiecerit; Ubertus Foliet, libro quarto, histor. Genuensis,

R R r 2 quod